

醫
林
正
宗
三



責任編輯：孫志波

图书在版编目 (CIP) 数据

医林正宗/(明)饶鹏纂. - 北京: 中医古籍出版社,
2005.10

(中医古籍孤本大全)

ISBN 7-80174-374-1

I. 医... II. 饶... III. 中医学临床-中国-明代
IV. R24

中国版本图书馆 CIP 数据核字 (2005) 第 107169 号

ISBN 7-80174-374-1



9 787801 743749 >

中醫古籍孤本大全

醫林正宗

原著 明·饒鵬

選編 薛清錄 劉國正

出版發行 中醫古籍出版社

北京市東直門內南小街十六號 郵編 100070

杭州蕭山古籍印務有限公司

二〇〇五年十月第一版第一次印刷

二百五十套

ISBN 7-80174-374-1/R·373

定價 三六〇圓



天明戊申正月十四日

獲之於城東書鋪

廉夫識



東溪節畧醫林正宗卷之七

癰瘍

阿澗劉先生治癰疽瘰癧方

夫醫之用藥如將之用兵蓋去卒軍易得一將難求
決勝之良將也決効者良醫也知兵之勝出於良
將之機謀知人之病出於良醫之診視見軍無將
不能自勝有方無醫則藥不能自効蓋醫者人之
司命也脉者人之大要也蓋醫家苟不明脉則如
冥行索塗動至顛覆矣人生其間雖病萬有不齊
究其所多莫非運氣之爲也故醫之運氣猶儒之

論理工之規矩鑑之光衡之權衡之將何以焉蓋
其道博其旨玄其法精其機妙知其要則一言而
終不知其要則流散無窮且如醫之十三科其中
大方脉婦人科小兒科風科必先診其脉後對證
處藥獨瘡科之下流多有不診其脉服專攻治外
或有證候疑難別召方脉診視於瘡科之輩甘當
淺隔之名噫其小哉夫瘡腫之生皆陰陽不和血
氣壅滯若不診視何以知陰陽勇怯氣脉聚散耶
由是觀之治療瘡腫診候之道不可闕也是以素
問難經靈樞甲乙及扁鵲仲景華佗叔和千金外

聖惠總錄古今名醫諸家方論中診候瘡科之
詳至矣盡矣今遵前人之書畧其瘡科之脉開列
于后

浮脉之診浮於指下按之不足舉之有餘再再尋之
狀如大過簪上然見於皮膚之間其表証或爲風
或爲虛浮而大數少也浮而短濇者肺也浮而數
者熱也浮數之脉應發熱其不發熱而反惡寒者
瘡疽之謂也

洪脉之診似浮而大按舉之則泛泛然滿二部其狀
如水洪流波之湧起其主血實腫熱瘡腫論曰脉

洪大者瘡疽之病進也如瘡疽結膿未成者宜下之膿潰之後脉見決大則難治若自痢者不可救治也

滑脉之診實大相兼往來流利如珠按之則累累然滑也其主或爲熱或爲虛此陽脉也瘡疽之病膿未潰者宜內消也膿潰之後宜托裏也

數脉之診按之則呼吸之間及六至其狀似滑而數也若浮而數則表熱也沉而數則裏熱也又曰諸數爲熱仲景曰數脉不時見則生惡瘡也又曰肺脉俱數則生瘡也診諸瘡洪數者裡欲有膿結也

散脉之診似浮而散按之即散而欲去舉之則大而無方其主氣實而血虛有表無裏瘡腫膿潰之後而煩痛尚未全退者診其脉洪滑麗散難治也以其正氣虛而邪氣實也又曰肢躄沈肺脉大即驚謂散者凶也

芤脉之診似浮而軟按之中央空兩邊實其主血虛或爲失血瘡腫之病診得芤脉潰膿後易治以其脉病相應也

長脉之診按之則洪大而長出於本位其主陽氣有餘也傷寒得之欲汗出自解也長而緩者胃脉也

百病皆命謂之長則氣治也

牢脉之診按之則實而弦且沈且浮而有牢堅之意
若癰癥結腫診得牢脉者不可內消也

實脉之診按舉有力而類結曰實經曰邪氣勝則實
久病則虛人得此最忌瘡疽之人得此宜急下之
以其邪氣與臟府俱實故也

弦脉之診按之則堅而弦其似堅者為弦如按弦而
不移緊如繩而轉動以此為其春脉浮弦而平不
時見則為飲為痛主寒主虛瘡疽論曰弦洪相搏
外緊內熱欲發瘡疽也

緊脉之診似弦而緊按之如切繩動其至切痛積聚也瘡腫得之盛脉沉瀦也亦主痛也

治瘍五毒方瘍瘡也一方

石膽 丹砂 雄黃 礬石 礞石

石黃用堊黃堊者其瓦器也實石膽等五樣石於其中燒

处之三日三夜其煙上著以雞翎掃取之以注

瘡惡肉破骨盡出

此方後世醫之祖方也周禮天官瘍醫掌腫瘍

漬瘍金瘍折祝藥副發玄齊凡療瘍以五毒攻

之謂腫者壅腫也漬者流膿也金者刃傷也折

者傷損也祝讀如法謂傳箸也副謂亂去膿血
也被謂去其惡肉也齊去聲謂劑也五毒謂藥
之有五毒者宋楊岷瘍生於頰連齒輔車外腫
若覆碗內潰出膿血甚者痛楚醫爲療之萬方
彌年不差人有詔曰天官瘍上醫中有名方何
不試用岷投瘍醫依註疏中法製之用藥註瘡
中少項朽骨連牙潰出遂愈見宋朝類苑

塗腫法 李延壽北史一方

用麝石黃如鵝鴨卵大者猛火燒令赤納醇醋中
自有石屑落醋裏頻燒至石盡取石屑曝乾搗

下篩和醋以塗腫上無不愈

此魏楊愔患此病熱以煉石塗之便

瘡副明阿內人爲人診脉一年前知人生死也

凡人年四十歲已上頭項

頤背臀腰脇間或筋骨

之上所視不見之處梢麻瘡癩便不輕易視之若

視之悠^上以爲常疾每見由微至着喪命者多矣

古人云背無好瘡面無好痣者是也寧可待其重

其疾輕安不可待其輕令疾愈重而不見此疾而

諛諛又不可見此疾而憂惶有此者但宜把定把

定心神即便依法施治若依次序未有不安者也

最不可惶失序錯亂用藥又不可纔吃四五服

藥便責無效況此疾積襲之久四五服藥安能奏
功大蓋此疾真似虎狼甚如強盜竄入於室敵之
不合其理必致傷人防之得理迎刃而解今之瘍
醫不言破陣訣要之藥遂使後學轉乖迷途惶惶
失序輕者必重重者必死凡有此病本要辯問是
癰是疽是癰是瘡是虛是實是熱是冷首先服內
訖散五七服便上下次服五香連翹湯宣泄毒氣
便以竹馬取穴法灸之此穴真有起死回生之効或隔蒜灸之
庶便毒氣有路而出不攻於內更灸三里引熱就
下此皆良法今此五香連翹湯方不一僕此較之

皆有不問其中有太黃者蓋太黃治癰癰之要藥
所以孫真人治癰疽方萌之時首以單者太黃湯
以宜其毒氣或以車螯散追毒丸首用宣利之藥
無使毒熾此其大法今時之人但見寵妾稍衆以
爲作喪大過也

右作一服用酒水各一碗食遠溫服次日用十六
味流氣飲

川芎 當歸 芍藥 防風 人參 木香

黃芪 官桂 桔梗 白芷 枳榔 厚朴

烏藥 紫蘇 枳壳 甘草 各一錢

右作二服水一鍾半煎至八分食遠溫服到相再
又用拔毒散

天花粉

無名異

黃柏

黃芩

大黃

木鼈子

牡礪等分右爲細末用好醋調敷貼

外弦

又用鉄箍散

白芨

白欬

黃柏

五倍子

芙蓉葉

右爲末用冷水調敷外層果見熱退痛止五日外
用聖愈湯

聖愈湯

川芎 當歸 生地黄 熟地黄 人參

黃芪 各二錢

右水煎服 八日外貼膏藥漸

漸收矣後服聖愈湯十貼末尾轉八珍陽未穀
半月而安矣 後張門花氏亦患此疾在左肋
下兼背二三寸一瘡生十二筒孔後依此治之
不過半月而愈矣

治癰疽發背如盤大潰腐十分臭不可近前

用桐葉蒸醋貼上退熱止痛住疼漸已生肉收
口極驗秘方

癰疽形證

癰發于體廣一尺深一寸雖潰至骨不穿膜者可治
穿膜者治不得



此證其毒在脾肚之間非天刑之譴可治

用水中紫背馬蹄苳帶草搗爛敷之妙